

QUANNÈ VE' BAVÓTÈ

Ogné vótè chë tatë facéva na pruméssa pë më fa šta buonë e nnë la mantënèa, quannë i' cë la rëcurdavë, m'arrëspunnèa sèmpë “ sì, quannë vé Bavótè”.

Spissë, quannë 'rraggiunàvënë attuornë a la taula in famiglia o kë l'amicë e zë parlavë dë cacchërunë chë vulëa soldë 'mpriéstë, sëntija ricërë “ e sì, quissë cë l'arrënnë quannë vé Bavótè” oppure “ po' tē lē mannë pë Bavotë...”.

Purë mamma avëa pigliatë 'ssu vizië d'appruméttë cumplëmèntë e dë rëspëttarlë “ quannë vé Bavótè”.

Nu juornë, oramàië éva quascë grussëciéllë, a la solëta rëspòsta pë na pruméssa nèn mantënuta facivë : “ Uéh ma', ma 'ssu Bavótë quannë vé?... Ma chi è quissë?”.

E mamma chë la paciënza tutta so' më rëspunnëttë: “ aspiéttë, aspiéttë ca quillë mó vè.”

E avivë voglië d'aspëttarlë a Bavótë!...”.

Nu juornë nu buon ómë c'avëa prëstatë lë soldë a nu cumparë suo', zë lamëntavë kë nu tabaccarë, chë l'éva amichë , cundicënnë chë éva rëmàštë quascë sënza soldë e u cumpà Tizië chë cë l'avëa 'rrennë u purtavë 'ncampana dicënnë sèmpë ca cë lë rëa dumanë, ma 'štu dumanë 'nzë verëa maië.

Allóra u tabaccarë ricëttë: “Ah, tu scië 'mprëstatë lë soldë a Tizië? E quillë tē l'arrënnë quannë vé Bavótë » .

L'amichë rëmanëttë suspëttüsë e addummannàttë : “ma tu chë vulissë dice mò, ca quissë nnë më l'arrënnë lë soldë ?”

“Amichë, u cumparë tuo' nnë pàjë a nisciunë!...Quille fa cummé Bavótë”.

“Ma chi è Bavótë, ueh 'uagliò?”. Iëttë u tabaccarë e lë spiégattë: “ Cë štëa na votë nu tizië chë zë chiamava Bavótë. Quissë éva solëtë 'e j' a 'ccattà la ròbba a u néozie, zë la pigliavë e ricévë “po' passe a pajà” e u povërë néoziantë aspëttavë... Zë facëa prëstà lë soldë da l'amicë e dicëa “ a Pasqua tē l'arrënnë”, ma la Pasqua passava e 'štu tizië 'nzë vërëa. Insómma 'štu tizië éva fattë diëbbëtë pë tuttë u paésë.

Quannë zë spaliattë la vócc ca quissë nnë pajavë a nisciunë, tuttë l'avëanë chiusë la cascia. E 'štu signurinë sparëttë da la circolazionë e 'nzë vërëttë cchiù.

D'allora è rëmaštë u dittë “ Të pajë quannë vé Bavótë”, pë dicë ca unë 'ntë pajë maië e nn'ammantë lë prumessë. Ma,haja dicë la vërëtà, mamma e patëmë quann'appprumëttivënë nu prëmië e nnë ru révënë, éva sultantë pëcché soldë 'ncë në štëanë, sennò ciavissënë ratë tutt'u munnë!

2005